



RRJETI I GRUPEVE
TË GRAVE TË KOSOVËS



RRJETI I GRUPEVE
TË GRAVE TË KOSOVËS
www.womensnetwork.org

RRJETI I GRUPEVE TË GRAVE TË KOSOVËS
RAPORTI VJETOR 2006

MISIONI YNË

Rrjeti i Grupeve të Grave të Kosovës (RrGGK) mbështet, mbron dhe promovon të drejtat dhe interesat e grave dhe të vajzave në tërë Kosovën, pavarësisht nga orientimi politik, religjioz, niveli i arsimimit, moshë, orientimi seksual apo aftësitë e tjera. Ne përmbushim misionin tonë me anë të këmbimeve të përvojave dhe informatave, partneritetit dhe rrjetëzimeve, avokimeve dhe hulumtimeve.



RRJETI I GRUPEVE TË GRAVE TË KOSOVËS RAPORTI VJETOR 2006

RRJETI I GRUPEVE
TË GRAVE TË KOSOVËS



RRJETI I GRUPEVE TË GRAVE TË KOSOVËS

+381 (0) 38 245 850

info@womensnetwork.org

Rr. Hajdar Dushi C-2, II / 8, Prishtinë, Kosovë

www.womensnetwork.org

PËRMBAJTJA

Fjala e Drejtoreshës Ekzekutive.....	5
Fjala e Kryetares së Bordit.....	6
Hyrje	
Rrjeti i Grupeve të Grave të Kosovës.....	7
Objektivat Tona.....	7
Përkrahësit Tanë.....	7
Partnerët Tanë.....	8
Rreth këtij Raporti.....	8
Programet dhe Aktivitetet 2006	
Implementimi i Rezolutës 1325 të OKB-së.....	9
Fuqizimi dhe Përmirësimi i Qëndrueshmërisë së Rrjetit.....	15
Avokimi për Ndryshime.....	21
Programet e Ardhshme.....	23
Anëtarët Tona.....	25
Raporti Financiar dhe Auditimi.....	31
Stafi dhe Bordi Ynë.....	33

FJALA E DREJTORESHËS EKZEKUTIVE

Të dashura anëtare, partnerë, përkrahës dhe miq,

Për ne si rrjet, viti 2006 ka qenë një vit i rëndësishëm. Së pari, Rrjeti i Grupeve të Grave të Kosovës miratoi kodin e mirësjelljes, duke demonstruar kështu një model pozitiv të transparencës dhe përgjegjësisë për organizatat tjera joqeveritare si dhe për qeverinë tonë. Duke iu përmbajtur parimeve më të larta të përcaktuara me këtë kod, anëtarët tona do të jenë më të fuqishme dhe rrjedhimisht edhe rrjeti ynë çdo herë e më fuqishëm do t'ij përfaqësojë interesat e qytetarëve. Ne mburrimi që i shërbejmë tetëdhjetë organizatave tona anëtare, të arriturat e të cilave në fusha të ndryshme kanë sjellë ndryshime të dukshme përbrenda komuniteteve të tyre. Të arriturat e tyre pasurojnë dhe fuqizojnë punën tonë si rrjet.

Së dyti, rrjeti ynë vazhdon të përfaqësojë gratë në nivele të larta të vendimmarrjes. Edhe nëse Organizata e Kombeve të Bashkuara dhe liderët tanë kanë dështuar në implementimin e Rezolutës 1325 të Këshillit të Sigurimit të OKB-së mbi Gratë, Paqen dhe Sigurinë, ne kemi bërë çdo gjë që ka qenë në duart tona për të siguruar implementimin e kësaj rezolute. Edhe pse gratë nuk ishin pjesë e ekipit negociator të Kosovës në bisedimet për statusin përfundimtar politik, ne gjetëm një mënyrë alternative për të këmbyer perspektivën e grave lidhur me çështjen e statusit përfundimtar. Përmes Rrjetit të Grupeve të Grave të Kosovës, Lobit të Grave Kosovare, Koalicionit të Grave për Paqe dhe Lobit Rajonal të Grave ne u siguroam që zëri i gruas të dëgjohet gjatë këtyre bisedimeve.

Së treti, në bashkëpunim me partnerët tanë ndërkombëtar, rrjeti ka kërkuar përgjegjësi nga vendim-marrësit. Siç u ilustrua me rastin e Krushës së Vogël, avokimi ynë pati ndikim tek qeveria e zgjedhur e Kosovës dhe te Misioni i OKB-së në Kosovë. Rrjeti dhe partnerët janë shndërruar në një fuqi që mund t'ij shtrojë pyetje vendim-marrësve dhe të ushtrojë ndikim tek ta.

Tani, duke qenë se udhëheqësit tanë politik dhe vendim-marrësit ndërkombëtar mbesin të përqendruar tek statusi final politik i Kosovës, i cili do zgjidhet gjatë vitit 2007, ne jemi drejtuar drejt të së ardhmes. Pas zgjidhjes së të ardhmes politike të Kosovës, ne shohim një shoqëri në të cilën gratë kanë qasje ndaj kujdesit adekuat shëndetësor, gratë dhe vajzat nuk i nënshtrohen kërcënimeve të trafikuesve të qenieve njerëzore, ku gratë përfaqësohen më mirë në pozitat vendim-marrëse të qeverisë sonë, dhe ku njerëzit trajtohen në mënyrë të barabartë pa dallim gjinie. Në vitin 2007, ne do të vazhdojmë të punojmë drejt përmbushjes së vizionit tonë, duke përkrahur, mbrojtur dhe promovuar të drejtat dhe interesat e grave dhe vajzave në Kosovë.

Përkushtimi dhe puna e madhe që po ofrohet nga anëtarët tona, e kombinuar me përkrahjen nga partnerët tanë vendor dhe ndërkombëtar ka mundësuar ndërtimin e një imazhi pozitiv të Rrjetit të Grupeve të Grave në Kosovë, rajon dhe qarqet ndërkombëtare. Mirëpresim vazhdimin e bashkëpunimit tonë në vitin 2007.

Sinqerisht,

Igballe Rogova



FJALA E KRYETARES SË BORDIT

Të nderuara anëtare dhe miq të Rrjetit të Grupeve të Grave të Kosovës,

Me kënaqësi të veçant po ndajë me ju disa mendime.

Ky ka qenë një vit shumë i suksesshëm për Rrjetin e Grupeve të Grave të Kosovës. Vit i rritjes, prosperitetit dhe punës, vit i rrjetëzimeve dhe fuqizimit. Shumë organizata të reja i janë bashkangjitur Rrjetit, gjë kjo që demonstroi qëndrueshmërinë dhe reputacionin tonë në shoqërinë kosovare.

Rrjeti është zhvilluar në një partner të barabartë me qeverinë tonë; zëri i gruas i artikuluar përmes rrjetit nuk mund të injorohet. Është fakt që fuqia jonë si rrjet vazhdimisht po rritet.

Ishte ky një vit i sukseseve. Kemi punuar të ngrisim kapacitete e anëtareve tona duke e pranuar dhe nënshkruar Kodin mbi Etikën dhe Përgjegjësinë, i cili siguron se organizatat anëtare të Rrjetit do të jenë më të strukturuar, më efektive dhe më transparente si në proceduarat e punës ashtu edhe në financa.

Rrjeti përbëhet nga organizata të etnive të ndryshme. Si gra nga komunitete të ndryshme ne jemi një shembull i mrekullueshëm se si mund të jetohet dhe punohet bashkë. Ne jemi rrjet i bashkëpunimit.

Ky ishte një vit i rrjetëzimeve të suksesshme vendore dhe rajonale. Kemi formuar dhe zhvilluar një koalicion të fuqishëm mes grave aktiviste nga Kosova dhe Serbia, Koalicionin e Grave për Paqe. Kemi qenë shumë aktive në Lobin e Grave, i cili përbëhet nga gra politikane dhe aktiviste të shoqërisë civile nga tërë rajoni.

Gjithë këto aktivitete kanë bërë që ne të jemi të respektuara dhe të besuara nga vendim-marrësit vendor dhe ndërkombëtar. Kjo na jep shpresë dhe na inkurajon në rrugën tonë drejt arritjes së një shoqërie prosperuese ku grujat do të jetë e barabartë me burrin.

Me respekt,

Naxhije Buçinca



HYRJE



Rrjeti i Grupeve të Grave të Kosovës

Rrjeti i Grupeve të Grave të Kosovës (RrGGK), i formuar në vitin 2000, ishte rrjet joformal i grupeve të grave dhe organizatave nga regjione të ndryshme të Kosovës. RrGGK u zhvillua në një rrjet që avokon për të drejtat e grave kosovare në nivel lokal, rajonal dhe ndërkombëtar. Duke përfaqësuar më shumë se tetëdhjetë organizata të grave të të gjitha grupeve etnike në Kosovë, RrGGK është një rrjet udhëheqës i organizatave të shoqërisë civile në Kosovë dhe rajon.

Anëtarët tona na frymëzojnë dhe na japin fuqi. Disa prej anëtareve kanë përvojë dhjetë vjeçare në zhvillimin e komunitetit. Ato kontribuojnë në ndryshimet e komunitetit të tyre duke u fokusuar në çështje si arsimimi, shëndetësia, pjesëmarrja publike, dhuna ndaj grave, trafikimi, zhvillimi ekonomik dhe përkrahja e personave me aftësi të kufizuara. Ato ofrojnë shërbime të ndryshme për gratë dhe burrat në komunitetin e tyre, duke përfshirë: ndihmë ligjore, këshillime, trajnime dhe shkëmbime informatash.

Objektivat Tona

Rrjeti i Grupeve të Grave të Kosovës gjatë procesit të planifikimit strategjik përcaktoi këto objektivat strategjike për 2005 – 2008:

- o Ngritja e vetëdijes tek Gratë dhe Burrat për të Drejtat e Gruas dhe mundësit për arritjen e barazisë gjinore në Kosovë.

- o Rritja e pjesëmarrjes së barabartë dhe efektive të gruas në të gjitha nivelet e jetës politike dhe proceset vendim marrëse.

- o Rritja e efektivitetit të legjislacionit, programeve qeveritare dhe politikave për arritjen e barazisë gjinore në Kosovë.

- o Rritja e kontributit të gruas dhe njohja publike e kontributeve të saja për arritjen e paqes dhe stabilitetit në Kosovë dhe rajon.

- o Fuqizimi i lëvizjeve së grave në Kosovë dhe rritja e rolit të saj në rajon dhe Botë.

Përkrahësit Tanë

Ne mburremi me faktin që mund të rreshtojmë përkrahësit tanë mes partnerëve tanë më të fuqishëm. Ata jo vetëm që ofrojnë përkrahje morale dhe financiare për punën tonë, por gjithashtu na përfshijnë në mënyrë aktive në planifikimet e tyre strategjike dhe në punën e tyre si organizata donatore. Përkrahja e tyre na mundëson vazhdimin e punës sonë si rrjet, si dhe ofrimin e shërbimeve në interes të qytetarëve. Mes përkrahësve tanë bëjnë pjesë:

Global Fund for Women
Kvinna till Kvinna Foundation
Rockefeller Brothers Fund
Swiss Agency for Development and Cooperation
United Nations Fund for Women (UNIFEM)
Urgent Action Fund

Partnerët Tanë

Marrëdhëniet që kemi zhvilluar me organizata të ndryshme në Kosovë dhe jashtë saj, janë të një rëndësie thelbësore për punën tonë si rrjet. Ne konsiderojmë se përkrahja dhe solidariteti i ofruar nga partnerët tanë gjatë vitit 2006 ishin shumë të rëndësishëm. Mes partnerëve tanë bëjnë pjesë:

Association for Women's Rights in Development (Kanada)
Gratë në të Zeza (Serbi)
Gratë për Gratë (Sarajevë)
Heart and Hand Foundation (SH.B.A)
Këshilli për Mbrojtjen e të Drejtave dhe Lirive të Njeriut
Network of East-West Women
Open Society Institute - New York
One World
Qendra e Aleancës për Zhvillim (Tiranë, Shqipëri)
Qendra Autonome e Grave (Beograd)
Qendra për Gratë Viktima të Luftës (Zagreb)
Radio Televizioni i Kosovës (RTK)
Radio Televizioni 21 (RTV21)
Televizioni Kohavizion (KTV)
The Advocacy Project
Urgent Action Fund (SH.B.A)
Zyra për Qeverisje të Mirë, të Drejta të Njeriut dhe Mundësi të Barabarta

Rreth këtij Raporti

Viti që lamë pas u përshkua me ndryshime të rëndësishme në Kosovë dhe rajon. Pasi që Kosova hyri në negociata lidhur me statusin final politik dhe gratë u injoruan gjatë këtyre proceseve paqësore, ne u mobilizuam duke kombinuar përpjekjet me grupet tjera të grave në rajon, duke kërkuar që zëri i gruas të dëgjohet gjatë këtyre proceseve të rëndësishme. Rrjedhimisht, puna jonë si rrjet u zgjerua duke përfshirë aktivizëm në terren dhe avokim në nivele ndërkombëtare. Raporti ynë pasqyron rëndësinë të cilën ia kemi kushtuar lobimit ndërkombëtar gjatë vitit 2006, duke shqyrtuar fillimisht përpjekjet tona drejt implementimit të Rezolutës 1325 të Këshillit të Sigurimit të Organizatës së Kombeve të Bashkuara.

Gjithashtu, është me rëndësi sa i përket zhvillimit tonë si rrjet që të theksohet se gjatë vitit 2006 ne jemi bërë rrjeti i parë i organizatave jofitimprurëse dhe joqeveritare në Kosovë që miraton kodin e mirësjelljes. Kodi i Etikës dhe Përgjegjësisë së Rrjetit të Grupeve të Grave të Kosovës përcakton standarde të larta të transparencës dhe përgjegjësisë për anëtarët tona. Pjesa e dytë e këtij raporti përshkruan këtë pjesë dhe përpjekjet tona tjera për fuqizimin e rrjetit si në nivel lokal ashtu edhe në atë ndërkombëtar.

Në pjesën e tretë, raporti numëron aktivitetet avokuese gjatë vitit 2006 të cilat në mënyrë të suksesshme kanë shpjerë drejt ndryshimeve. Në përgjithësi ky raport shërben për të informuar anëtarët, partnerët, përkrahësit dhe miqtë tanë mbi aktivitetet dhe të arriturat gjatë vitit 2006. Nëse ju nevojiten informata shtesë lidhur me programet tona në të kaluarën, aktivitetet aktuale, apo anëtarët tona, luteni të na kontaktoni apo të vizitoni ueb-faqen tonë:

www.womensnetwork.org.



IMPLEMENTIMI I REZOLUTËS 1325 TË OKB-SË

Gjashtë vite pasi që Këshilli i Sigurimit i Organizatës së Kombeve të Bashkuara miratoi Rezolutën 1325 (Rezoluta 1325), për Gratë, Paqen dhe Sigurinë, ende hasim në pak ndryshime. Edhe pse rezoluta kërkon përfshirje më të gjerë të grave në zgjidhje të konflikteve dhe ndërtim të paqes, gratë vazhdojnë të mbesin të marginalizuara në proceset e Organizatës së Kombeve të Bashkuara dhe në proceset vendim-marrëse në vendet që kanë kaluar nëpër konflikte. Edhe pse Kosova qeveriset nga Organizata e Kombeve të Bashkuara, kjo e fundit ka dështuar në përfshirjen e grave në vendim-marrje. Përkundër përpjekjeve për avokim që janë ndërmarrë në emër të Rrjetit të Grupeve të Grave të Kosovës dhe partnerëve të shumtë vendor dhe ndërkombëtar të tij, asnjë grua nuk u përfshi në procesin e negociimit të statusit final politik të Kosovës, proces ky që u udhëhoq nga OKB. Në vitin 2006, sasi e madhe e energjisë sonë si rrjet është përqendruar në implementimin e Rezolutës 1325 që rrjedhimisht do të shpjegonte tek përfshirja e grave në negociata për statusin final të Kosovës. Rrjeti ynë ka bashkuar forcat me partnerët në Kosovë dhe rajon për të bërë që zëri i gruas të dëgjohet gjatë këtij procesi të rëndësishëm.



Konferenca e Koalicionit të Grave për Paqe "Gratë, Paqja dhe Siguria", Strugë, Maqedoni, Shtator 2006



Krijimi i Koalicionit të Grave për Paqe me Gratë nga Serbia

Përmes angazhimesh tona të rëndësishme qëndron edhe bashkëpunimi i Rrjetit të Grupeve të Grave të Kosovës me Rrjetin e Grave në të Zeza të Serbisë me qëllim të krijimit të Koalicionit të Grave për Paqe, me 7 maj. Koalicioni përbëhet me aktiviste nga Kosova dhe Serbia dhe kërkon që t'i bëjë më të dukshme perspektivat e grave në ndërmarrjet politike në Serbi dhe Kosovë. Duke u angazhuar drejt arritjes së një paqeje të drejtë dhe të qëndrueshme, Koalicioni i Grave për Paqe punon për përfshirjen e grave në proceset e krijimit të paqes si partnerë të barabartë. Kjo iniciativë e pavarur qytetare themelohet mbi bazat e solidaritetit të grave dhe si e tillë tejkalon gjithë kufijtë, barrierat dhe ndarjet kombëtare, etnike dhe fetare. Koalicioni ka pranuar përkrahje të vazhdueshme nga Fondi Zhvillimor i Organizatës së Kombeve të Bashkuara për Gratë (UNIFEM).

Në një nga veprimet e para më të rëndësishme, koalicioni ka lëshuar një deklaratë me të cilën informon negociatorët për statusin final të Kosovës lidhur me mbrojtjen e monumenteve të trashëgimisë kulturore në Serbi dhe Kosovë. Në këtë letër të adresuar për ekipet negociatore, koalicioni thekson nevojën për të identifikuar dhe mbrojtur monumentet kulturore, siç janë kishat, xhamitë, dhe katedralet nga degradimi fizik dhe eksploatimi politik. "Monumentet kulturore ndërlidhen me trashëgiminë kulturore, historinë dhe komunitetet e të gjitha grupeve etnike, dhe rrjedhimisht të gjitha grupet etnike kanë të drejtë që bashkërisht të shfrytëzojnë, preservojnë dhe mbrojnë këto monumente", theksohet në deklaratë. Gjatë tërë vitit 2006, Koalicioni i Grave për Paqe u ka shkruar letra dhe është takuar me vendim-marrësit kyç, siç janë i Deleguari i Posaçëm i Sekretarit të Përgjithshëm për Negociatat e Statusit

të Ardhshëm të Kosovës, Presidenti Martti Ahtisaari. Rrjedhimisht, koalicioni ka kontribuar në implementimin e Rezolutës 1325, duke bërë që zëri i gruas të dëgjohet në proceset paqësore.

Shtatori shënoi një moment historik për paqen e qëndrueshme në Kosovë, Serbi dhe rajon. Koalicioni i Grave për Paqe mbajti një konferencë treditore në Strugë të Maqedonisë, me temën "Gratë, Paqja dhe Siguria" për të bërë më të dukshme punën e aktivisteve paqësore drejt krijimit të një paqeje të qëndrueshme në rajon. Konferenca mbahej në kohën e negociatave zyrtare për statusin final të Kosovës. Përmes një deklaratë të përbashkët, gjashtëdhjetë aktiviste të paqes nga Kosova dhe Serbia arritën tek përfundimi se paqja në rajon nuk mund të arrihet pa pjesëmarrje aktive të grave. Më tej, ato përkrahën pavarësinë dhe integritetin territorial të Kosovës si një shtet civil me sistem funksional të drejtësisë. Ato gjithashtu kërkuar që të drejtat e të gjithë qytetarëve, grave dhe burrave, të përbëjnë bazën për paqen dhe sigurinë në Kosovë, që institucionet relevante të adoptojnë konceptin e sigurisë njerëzore, posaçërisht nga këndvështrimi gjinor, në pajtim me Rezolutën 1325; dhe që gratë të përfshihen në të gjitha proceset vendim-marrëse të të gjitha niveleve.

Duke kundërshtuar politikat zyrtare që sjellin ndarje dhe konflikt, Koalicioni i Grave për Paqe bëri plane për të vazh



duar me ndërtimin e besimit, solidaritetit dhe përkrahjes së ndërsjellë drejt ndërtimit të një paqeje të qëndrueshme në rajon. Gjatë kësaj konference, koalicioni formuloi një plan njëvjeçar të veprimit. Plani kërkonte dialog të shtuar mes grave të të gjitha grupeve etnike nga Serbia dhe Kosova përmes takimeve dhe diskutimeve lidhur me sigurinë për grupet e ndjeshme, statusin final politik të Kosovës, dhe përfshirjen e grave në vendim-marrje. Organizata të udhëhequra nga gratë, me misionet të ngjashme, nga Kosova dhe Serbia bënë plane për të krijuar edhe rrjetëzime tjera dhe për të ndërmarrë aktivitete të përbashkëta. Organizatat gjithashtu planifikuan të përkrahin edhe më tej të drejtat njerëzore të grave, në veçanti të drejtat riprodiktive. Marrëveshjet e shumta të arritura mes pjesëmarrësve serbe dhe kosovare gjatë konferencës demonstuan se si proceset e negociatave lidhur me statusin final të Kosovës humbën duke mos përfshirë gratë.

Në një moment historik, përfaqësueset e Rrjetit të Grave në të Zeza nga Serbia kërkuar falje për krimet dhe terrorin e kryer nga regjimi serb ndaj popullatës shqiptare të Kosovës. Ky kërkim i faljes nga Rrjeti i Grave në të Zeza nga Serbia u emitua në Radiotelevizionin e Kosovës, duke shënuar kështu kërkimin e parë publik të faljes për krimet e kryera ndaj shqiptarëve gjatë luftës. Aktivistet çmuan rëndësinë e kërimit të faljes gjatë procesit të pajtimit, si një parakusht të domosdoshëm për paqe të qëndrueshme. Në vitin 2007, koalicioni do të vazhdojë të angazhohet për bashkëpunim për të bërë që zëri i gruas të dëgjohet në proceset paqësore, në pajtim me Rezolutën 1325, si dhe të vazhdojnë që të promovojë paqen dhe bashkëpunimin mes popujve të Serbisë dhe Kosovës.

Lëshimi i Deklaratave të Përbashkëta me Lideret e Evropës Juglindore

Një nismë tjetër e rëndësishme që filloi në vitin 2006 ishte themelimi i Lobit Rajonal për Paqe, Stabilitet dhe Drejtësi në Evropën Juglindore. Politikanet dhe përfaqësueset të shoqërisë civile me 15 korrik krijuan lobin me qëllim të avokimit për promovimin të një paqeje dhe stabiliteti të qëndrueshëm në rajon. Lobi gjithashtu është i përkushtuar në implementimin e Rezolutës 1325.

Si anëtare e lobit, Drejtoresha Ekzekutive e Rrjetit të Grupeve të Grave të Kosovës iu bashkëngjiti grave nga Shqipëria, Bosnja Hercegovina, Kroacia, Kosova, Maqedonia, Mali i Zi dhe Serbia në formulimin e deklaratave për Presidentin Ahtisaari në të cilat kërkojnë implementimin e plotë të Rezolutës 1325 gjatë bisedimeve për statusin final. Në deklaratat e tyre, të përcjella nga mediat në tërë rajonin, lobi gjithashtu kërkon zgjidhje paqësore dhe gjithëpërfshirëse të statusit politik të Kosovës dhe dënon dhunën në Lindjen e Mesme.

Edhe pse gratë nuk ishin të përfshira në ekipet negociatore, përfaqësueset e lobit u takuan me vendim-marrësit kyç, përfshirë Presidentin Ahtisaari, duke bërë që zëri i gruas të dëgjohet, siç parashtrihet me rezolutë.



Vazhdimi i presionit: Lobi i Grave Kosovare

Lobi i Grave Kosovare vazhdon të avokojë për përfshirje të grave në negociatat për statusin final, krahas përpjekjeve të Koalicionit Paqësor të Grave dhe Lobit Rajonal të Grave. Me 8 mars të vitit 2006, Rrjeti i Grupeve të Grave në bashkëpunim me Lobin e Grave Kosovare organizoi një protestë në të cilën gratë deklaroi "Dëshirojmë pushtet jo lule" para teatrit kombëtar në Prishtinë. Këngëtarë dhe aktorë të njohur u paraqitën me këngët dhe skeçet e tyre të përpiluara enkas për këtë ngjarje, e të cilat përqendroheshin në Rezolutën 1325 dhe rëndësinë e përfshirjes së grave në bisedimet lidhur me statusin final të Kosovës.

Kalimtarëve të rastit iu shpërndan materiale të shtypura lidhur me Rezolutën 1325, duke iu falënderuar UNIFEM-it. Pas kësaj ngjarje, pjesëmarrëset varën një baner jashtë ndërtesës së Parlamentit të Kosovës në të cilin shkruante "Rezoluta 1325 na garanton të drejtën e pjesëmarrjes në bisedimet për statusin përfundimtar". Baneri qëndroi aty disa muaj, duke i rikujtuar vendim-marrësit se ata ende dështonin në përfshirjen e grave në negociatat dhe si rrjedhojë dështonin në implementimin e rezolutës në fjalë. Radiotelevizioni 21 këtë protestë e paraqiti gjatë një programi special lidhur me Rezolutën 1325.

Në përgatitje për protestë, aktivistet Kosovare dhe organizatat lokale i shkruan letër vendim-marrësve vendor dhe ndërkombëtar, përmes së cilës kërkonin përfshirjen e grave në ekipin i cili negocionte për statusin final politik të Kosovës. Kjo letër u lexua gjatë protestës dhe iu dërgua Presidentit Ahtisaari, Këshillit të Sigurimit të Organizatës së Kombeve të Bashkuara, Misionit të OKB-së në Kosovë, KFOR-it, Ekipit Negociator, Qeverisë së Kosovës, dhe të tjerëve. Politikanet dhe aktivistet nga Shqipëria gjithashtu dërguan letra përkrahjeje.



Monitorimi i Implementimit të Rezolutës 1325

Përveç këtyre angazhimeve drejt implementimit të Rezolutës 1325 në aspektin e negociatave për statusin final të Kosovës dhe proceseve paqësore në rajon, Rrjeti i Grupeve të Grave të Kosovës ka bashkëpunuar me 'Zene zenama' për të krijuar kornizën hulumtuese për monitorimin e implementimit të Rezolutës 1325 në Kosovë dhe Bosnjë e Hercegovinë. Marrë në konsideratë prezencën e Organizatës së Kombeve të Bashkuara në të dy vendet, aktivistet panë një mundësi unike për monitorimin e shkallës së implementimit të rezolutës në vendet që qeverisen nga Organizata e Kombeve të Bashkuara.

Pas hulumtimeve preliminare lidhur me implementimin e rezolutës që janë kryer nga këto dy organizata në vitin 2005, ato u takuan në Sarajevë në qershor, të përkrahura nga UNIFEM-i, për të krijuar një kornizë të përbashkët monitoruese, në këshillim me ekspertë. Në vitin 2007, këto dy organizata do të shfrytëzojnë këtë kornizë për të monitoruar gratë në vendim-marrje (posaçërisht pjesëmarrjen e grave në ndryshimet kushtetuese dhe negociatat për statusin final në Kosovë); të drejtat njerëzore të grave (dhuna ndaj grave, përfshirë dhunën në familje, trafikimin dhe gratë e dhunuara gjatë luftës); integritimin e perspektivës gjinore në sistemet kombëtare të sigurisë dhe operacionet paqeruajtëse të Organizatës së Kombeve të Bashkuara; dhe raportimin nga Sekretari i Përgjithshëm tek Këshilli i Sigurimit lidhur me progresin drejt përmirësimit të rrjedhave gjinore në misionet paqeruajtëse (Neni 17 i Rezolutës 1325). Raporti do t'i dërgohet Organizatës së Kombeve të Bashkuara dhe do të përmbajë rekomandime për implementimin e mëtejme të rezolutës. Ndërkohë, aktivistet dërguan një "Raport mbi implementimin e Rezolutës 1325 të Këshillit të Sigurimit të Organizatës së Kombeve të Bashkuara në Kosovë" Organizatës së Kombeve të Bashkuara më 30 mars të vitit 2006. Raporti kishte për qëllim

të "informojë OKB-në mbi ngjarjet dhe aktivitetet e ndërmarra nga organizatat lokale dhe përkrahësit e tyre lidhur me implementimin e gjithmbarshëm të Rezolutës 1325 në Kosovë" që nga vitit 2001. Aktivistet lokale morën iniciativë për përpilimin e këtij raporti pasi që Misioni i Organizatës së Kombeve të Bashkuara në Kosovë "shpërfilli dhe nënvlerësoi iniciativat lokale drejt implementimit të rezolutës në raportet që i dërgoi Organizatës së Kombeve të Bashkuara". Raporti kishte për qëllim që të adresojë "zbrazëtirat informative". Rrjeti i Grupeve të Grave të Kosovës do të vazhdojë të monitorojë implementimin e Rezolutës 1325 në bashkëpunime organizatat anëtare dhe partnerët rajonal gjatë vitit 2007.

Ngritja e Vetëdijes lidhur me Rezolutën

Ne e dimë se për tu implementuar Rezoluta 1325 qytetarët, liderët politikë, dhe në veçanti përfaqësuesit e Organizatës së Kombeve të Bashkuara duhet të kenë njohuri më të plota lidhur me rezolutën dhe me mënyrën e implementimit të saj gjatë kryerjes së punëve të tyre. Për këtë arsye ne i kemi kushtuar shumë kohë dhe energji ngritjes së vetëdijes në nivel lokal dhe ndërkombëtar lidhur me rezolutën dhe mënyrën në të cilën ajo mund të shfrytëzohet. Drejtoresha Ekzekutive e Rrjetit të Grupeve të Grave të Kosovës ka biseduar me vendim-marrës të nivelit të lartë lidhur me rezolutën. Për shembull, ajo mori pjesë në një konferencë mbi çështjet gjinore dhe konfliktin, të organizuar nga Agjencia Austriake për Zhvillim me 7 prill në Vjenë. "Gratë duhet të jenë të përfshira në ndërtimin e demokracisë", u tha ajo liderëve ndërkombëtar dhe diplomatëve. Rrjeti i Grupeve të Grave të Kosovës theksoi që implementimi i Rezolutës 1325 është thelbësor për proceset demokratike gjithëpërfshirës dhe që dështimi i përfshirjes së grave mund të rrezikojë stabilitetin e Kosovës në të ardhmen.



FUQIZIMI DHE PËRMIRËSIMI I QËNDRUESHMËRISË SË RRJETIT

Rrjetëzimi na ka dhënë fuqi. Përmes rrjetëzimit organizatat tona anëtare kanë gjetur përkrahje morale dhe solidaritet, që i ka fuqizuar ato në vazhdimin e ofrimit të shërbimeve me qëllim të arritjes deri tek ndryshimet në komunitetet e tyre. Përmes rrjetit, ato janë bashkuar në koalicione të cilat punojnë për të ushtruar ndikim në politikat publike lidhur me barazinë gjinore, të drejtat riprodutive të grave, dhunën familjare, dhe trafikimin me qenie njerëzore. Përmes rrjetëzimeve me aktiviste dhe organizata të grave nga rajoni, ne kemi bërë që zëri i gruas të dëgjohej në negociatat mbi statusin final të Kosovës. Rrjetëzimi në rajon gjithashtu na ka shtyrë që të sfidojmë politikat donatore me të cilat ne nuk pajtohemi dhe/ose të cilat nuk ndihmojnë që të bëjmë ndryshime në komunitetet tona. Në fakt, ne besojmë se rrjetëzimi na ka dhënë fuqi që të bëjmë që zëri ynë të dëgjohej. Rrjedhimisht, ne kemi punuar drejt fuqizimit të mëtejshëm të anëtareve dhe punonjësve tanë, në mënyrë që kjo të pasqyrohet në fuqizimin tonë si rrjet.



Mbledhja Vjetore e Rrjetit të Grupeve të Grave të Kosovës, Dhjetor 2006, Prishtinë.



Fuqizimi i Rrjetit

Në vitin 2006, ne kemi fuqizuar më tej rrjetin tonë, si dhe kemi kultivuar partneritete me aktiviste dhe organizata të rajonit. Takimet tona dymujore vazhdojnë t'u ofrojnë grave hapësirë për krijimin e partneriteteve, pranimin e informatave azhure lidhur me programet e Rrjetit të Grupeve të Grave të Kosovës, këmbimin e informatave dhe përvojave, dhe inicimin e aktiviteteve të përbashkëta. Anëtarët tona gjithashtu kanë vazhduar të jenë të përfshira në planifikimin strategjik dhe vlerësimin e punës sonë përmes takimeve tona vjetore të anëtarësisë. Pas takimit vjetor, anëtarët identifikuan tri fusha fokusi për rrjetin në vitin 2007: fuqizimi i grave në politikë dhe vendim-marrje; luftimi i trafikimit të grave dhe vajzave; dhe avancimi i shëndetit të grave.

Liderët vendor dhe ndërkombëtar, aktivistët, organizatat joqeveritare, dhe miqtë vazhdojnë të jenë të informuar mbi aktivitetet tona përmes buletinit tonë informativ tremujor "Zëri i Gruas Kosovare", në gjuhën shqipe, serbe dhe angleze. Ueb-faqja jonë tani ka një pamje plotësisht të re duke iu falënderuar Barbra Bearden nga Advocacy Project, e cila na ndihmoi në përmirësimin e ueb-faqes sonë, duke bërë që ai më mirë t'u shërbejë nevojave të partnerëve, anëtarëve dhe komunitetit. Ueb-faqja jonë, www.womensnetwork.org, përmban informata lidhur me angazhimet tona avokuese, organizatat anëtare, historinë organizative, si dhe lidhje drejt publikimeve hulumtuese.



Lansimi i Kodit të ri të Etikës dhe Përgjegjësi

Një nga zhvillimet më të rëndësishme për ne si rrjet gjatë vitit 2006 ishte se ne u bëmë rrjeti i parë i organizatave joqeveritare në Kosovë që miratoi kodin e mirësjelljes. Anëtarët tona dinë se transparenca dhe përgjegjësia janë cilësi të cilat organizatat joqeveritare dhe jofitimprurëse duhet të kenë në mënyrë që t'i demonstrojnë qytetarëve, partnerëve dhe donatorëve se ato funksionojnë në shërbim të publikut. Për këtë arsye, tetëdhjetë organizatat tona u këshilluan gjatë procesit të hartimit dhe pas hartimit nënshkruan Kodin e Etikës dhe Përgjegjësi të Rrjetit të Grupeve të Grave të Kosovës, duke pranuar kështu që të përmbushin standardet më të larta të transparencës dhe përgjegjësisë deri në dhjetor të vitit 2008. Kodi përmban gjashtë parime themelore: Misioni dhe Programi, Qeverisja e Mirë, Transparenca dhe Përgjegjësia Financiare, Përgjegjësia Civile, dhe Partneriteti dhe Rrjetëzimi. Gjatë viteve 2007 dhe 2008, Rrjeti i Grupeve të Grave do të ofrojë organizatave anëtare ndihmë individuale dhe grupe me qëllim të lehtësimit të implementimit të kodit. Rrjedhimisht, kodi do t'i ndihmojë anëtarëve në ngritjen e kapaciteteve të tyre si organizata dhe realizimit të një të ardhme më të qëndrueshme. Përmbushja e parimeve të kodit do t'i bëjë këto organizata më të fuqishme në mënyrë që ato të mund të sigurojnë besimin e publikut dhe të përmirësojnë funksionimin e tyre në të ardhmen. Duke fuqizuar anëtarët tona, ne do të fitojmë energji si rrjet. Përveç kësaj, duke përcaktuar standarde të qarta për anëtarët tona, ne po krijojmë një shembull për organizatat tjera joqeveritare dhe gjithashtu mund të vazhdojmë të kërkojmë përgjegjësi dhe transparenca nga autoritetet qeverisëse të Kosovës.



Krijimi i Rrjeteve Rajonale dhe Ndërkombëtare

Një pjesë e fuqisë sonë si rrjet vjen nga marrëdhëniet të cilat ne i kemi sajuar me organizatat dhe aktivitetet që kanë qendrim të ngjashme anembanë botës. Ne vazhdojmë të ndërtojmë rrjetin tonë ndërkombëtar të partnerëve dhe miqve, pasi kjo na fuqizon në angazhimet tona drejt kërimit të ndryshimeve. Një partneritet i tillë është ai me Fondin Global për Gratë, i cili vizitoi rrjetin gjatë vitit 2006. Një përfaqësuese e Fondit Global për Gratë këmbëu informata me anëtarët tona, duke diskutuar lidhur me prioritetet dhe caqet e përbashkëta. Anëtarët tona gjithashtu mësuan më shumë lidhur me përkrahjen që ofron ky fond.

Përmes rrjetëzimeve ne këmbëjmë informatat me të tjerët. Në qershor, përfaqësuese të Rrjetit të Grupeve të Grave morën pjesë në një konferencë rajonale në Pogradec të Shqipërisë me temën "Barazia Gjinore në Vendimmarrje", të organizuar nga "Unë Gruaja", dhe të përkrahur nga Kvinna till Kvinna. Duke qenë se Shqipëria gjendej para zgjedhjeve, ne ofruam përvojën tonë nga Kosova me gratë nga Shqipëria dhe Maqedonia, duke dhënë shembuj të fushatave të cilat mund t'u ndihmojnë në rritjen e numrit të grave në pozita vendim-marrëse. Pastaj, në tetor patëm kënaqësinë të presim një delegacion prej tri grash nga Gjeorgjia. Takimet e rrjetëzimit të përkrahura nga Kvinna till Kvinna u ofronin aktivisteve nga Gjeorgjia dhe Kosova mundësi që të mësojnë nga përvojat e ndërsjella.

Në tetor, Luljeta Vuniqi përfaqësoi Rrjetin e Grupeve të Grave në një takim të International SARE (Rrjeti i grave baske) me temën "Gratë në Gjenerimin e Paqes", të organizuar nga Instituti i Grave Baske (Emakunde) në San Sebastian të Spanjës. Takimi shërbeu si forum për diskutimin e mundësive



të barabarta për meshkuj dhe femra, me vështrim të posaçëm nga aktivitetet dhe krijimi i rrjeteve të reja. Organizatorët shpresonin të mësojnë më shumë nga përvojat e aktivisteve nga vendet që kanë kaluar nëpër konflikte dhe negociata paqësore. Gjatë takimit, Luljeta Vuniqi foli mbi "Ndërtimin e Koalicioneve nga Gratë", duke ofruar shembuj nga lëvizjet e grave në Kosovë dhe Koalicionit të Grave për Paqe i porsaformuar. Koalicioni i Grave për Paqe që bashkoi aktivitetet nga Kosova dhe Serbia paraqet një shembull të asaj se si gratë mund t'i lënë anash ndarjet etnike dhe kufitare për të evokuar për përfshirje të grave në proceset paqësore dhe në platformat e përbashkëta politike. Përveç programit zyrtar, Luljeta Vuniqi, Stasha Zajeviq nga Rrjeti i Grave në të Zeza nga Beogradi, dhe një përfaqësuese nga Izraeli u takuan me grupin parlamentar për të drejtat e njeriut në parlamentin e Vitorias.



Duke këmbyer përvojat me aktiviste nga Shqipëria, Maqedonia, Gjeorgjia, Spanja dhe mbarë bota, ne kemi arritur deri tek idetë mbi të ardhmen tonë si aktiviste, organizata dhe lëvizje ndërkombëtare.

Përmes rrjetëzimeve ne gjithashtu mësojmë nga të tjerët. Për shembull, gjatë një punëtorie të titulluar "Demistifikimi i BE & Barazia Gjinore", të organizuar nga Zyra e UNIFEM-it për Evropë Lindore dhe Qendrore në Shkup të Maqedonisë, ne morëm informata azhure lidhur me proceset e bashkëngjitjes në Bashkim Evropian si dhe me legjislacionin, programet dhe politikën e Komisionit Evropian për periudhën 2007-2013 të cilat fokusohen në avancimin e barazisë gjinore. Njëkohësisht jemi rrjetëzuar me tridhjetë avokues tjerë të barazisë gjinore nga sektorët qeveritarë dhe joqeveritarë nga Maqedonia, Kosova, Mali i Zi dhe Shqipëria. Njohuritë e reja të fituara nga punëtorja do të na ndihmojnë në krijimin e strategjive drejt barazisë gjinore me fillimin e hyrjes në proceset e pranimit në Bashkimin Evropian.

Përmes rrjetëzimeve ne ndërtojmë koalicionet rajonale kundër trafikimit dhe korrupsionit. Përfaqësuesit e Rrjetit të Grupeve të Grave të Kosovës iu bashkëngjitën rreth tridhjetë organizatave tjera joqeveritare nga Kosova dhe Maqedonia në takimin e dytë rajonal të partnerëve të Organizatës Ndërkombëtare për Migrim si pjesë e projektit "Lufta kundër trafikimit: Parandalimi dhe ngritja e kapaciteteve në Kosovë dhe Maqedoni". Përfaqësuesja e Rrjetit të Grupeve të Grave ishte një nga folëset në këtë takim të quajtur "Roli i Rrjetëzimeve të OJQ-ve". Gjatë takimit, organizatat Kosovare dhe Maqedonase këmbyen përvojat, diskutuan lidhur me pengesat në të cilat hasin gjatë punës së tyre në terren dhe rekomanduan veprime me të cilat adresohen këto pengesa.

Rrjeti i Grupeve të Grave të Kosovës do të vazhdojë të bashkëpunojë me organizata tjera të rajonit në luftën kundër trafikimit.

Një përfaqësuese e Rrjetit të Grupeve të Grave gjithashtu iu bashkua edhe rreth pesëdhjetë përfaqësuesve tjerë nga qeveria dhe organizatat joqeveritare në themelimin e Koalicionit Kosovar kundër Korrupsionit. Përfaqësuesja e Rrjetit të Grupeve të Grave foli mbi "Rëndësinë e krimit të koalicioneve – përvoja e Rrjetit të Grupeve të Grave" në "Seminarin mbi transparencën dhe luftën kundër korrupsionit" të organizuar nga UNDP në Prizren gjatë muajit dhjetor.

Rrjeti ynë ka qenë më i zëshmi duke dënuar publikisht korrupsionin brenda qeverisë sonë. Përmes këtij koalicioni ne shpresojmë të fuqizojmë dhe bashkëpunojmë me organizatat tjera të interesuara për kërkimin e përgjegjësisë dhe transparencës nga qeveria kundrejt qytetarëve që i kanë zgjedhur ata.

Përmes rrjetëzimit, ne gjithashtu inkurajojmë gjeneratat e reja të aktivistëve potencialë. Për këtë arsye, aktivistet e Rrjetit të Grupeve të Grave të Kosovës shpesh takohen me studentë nga Universiteti i Prishtinës dhe Qendra Evropiane Ndëruniversitare për të Drejtat e Njeriut dhe Demokratizim me seli në Venedik të Italisë. Ne me studentët diskutojmë mbi situatën aktuale politike në Kosovë, statusin e grave në Kosovë, dhe metodat unike të lëvizjes së grave në Kosovë, të cilat janë shfrytëzuar për të arritur një shoqëri me nivel më të lartë të barazisë gjinore. Studentët kanë deklaruar se kanë mësuar më shumë për Kosovën dhe aktivizmin nga anëtarët tona se sa nga takimet e ndryshme me liderët politikë vendorë dhe ndërkombëtarë me të cilët kanë pasur rastin të takohen gjatë udhëtimeve të tyre studimore.

Njohja e Sukseseve

Puna e madhe dhe përkushtimi i aktivisteve të Rrjetit të Grupeve të Grave të Kosovës dhe organizatave të tyre anëtare nuk ka kaluar pa u vërejtur. Me 15 tetor, Ditën Botërore të Grave Rurale, Rrjeti i Grupeve të Grave të Kosovës pati kënaqësinë të organizojë për Martë Prenkpalajn e rajonit të Hasit ceremoninë e pranimit të shpërblimit për Kreativitetin e Grave në Jetën Rurale. Ajo u shpërblye krahas edhe trembëdhjetë laureateve tjera të zgjedhur nga Fondacioni i Samitit Botëror të Grave. Qindra qytetarë, zyrtarë qeveritarë, dhe aktivistë morën pjesë në ceremoninë e shpërblimit të Martë Prenkpalajt për pesëmbëdhjetë vite të aktivizmit në terren, që ka kontribuar dukshëm në ndryshimet e arritura në rajonin në fjalë. Në ceremoninë e shpërblimeve u shfaqën monologje dhe këngë të interpretuara nga artistë të njohur.

Në dhjetor të vitit 2005, Agjencia e Shteteve të Bashkuara për Zhvillim Ndërkombëtar (USAID) gjithashtu shpërbleu përfaqësueset e Rrjetit të Grupeve të Grave të Kosovës të cilat morën pjesë në Programin Trajnues të Pjesëmarrësve të USAID në verë të vitit 2005.



AVOKIMI PËR NDRYSHIME

Duke fuqizuar rrjetin tonë të organizatave dhe duke ndërtuar rrjetin tonë ndërkombëtar të partnerëve dhe përkrahësve, zëri i Rrjetit të Grupeve të Grave të Kosovës bëhet çdo herë e më i fuqishëm. Përfaqësuesit qeveritarë publikisht kanë njohur aftësinë tonë për të ndikuar në realizimin e ndryshimeve. Qytetarët na kanë falënderuar për angazhimet që kemi ndërmarrë për të bërë që brengat e tyre të adresohen në media dhe për presionin që kemi bërë tek zyrtarët qeveritarë për të adresuar nevojat e qytetarëve.



Në vitin 2006, një nga angazhimet tona më efektive të avokimit ka kritikuar sjelljen e policisë së Misionit të Organizatës së Kombeve të Bashkuara në Kosovë (UNMIK). Deklaratat për media të lëshuara nga Rrjeti i Grupeve të Grave të Kosovës dhe Lobi i Grave Kosovare ka sjellë dënim të nivelit ndërkombëtar për dhunën e ushtruar mbi popullatën e fshatit të Krushës së Vogël nga Policia e UNMIK-ut. Me 25 maj, një konvoj i policisë së UNMIK-ut që transportonte banorët e dikurshëm të fshatit me përkatësi serbe, arriti në Krushën e Vogël pa paralajmërim. Kur policia e UNMIK-ut nuk u lejoi grave lokale të flasin me bashkëfshatarët e dikurshëm, gratë e bllokuan konvojin dhe nuk i lejuan hyrje në fshat. Si reagim ndaj kësaj, policia e UNMIK-ut me dhunë largoi gratë nga rruga duke përdorur shufrat dhe gazin lotsjellës. Gratë reagues duke hedhur gurë në drejtim të tyre, ndërsa konvoji duke u larguar përdorte gazin lotsjellës mbi gratë dhe fëmijët.

Tre burra dhe tridhjetetë gra u shtruan në spital dhe njëzetedy fëmijë u trajtuan për lëndimet që pësuan nga gazi lotsjellës. Brenda pak orësh nga incidenti, përfaqësueset e Rrjetit të Grupeve të Grave arritën në vendin e ngjarjes për të marrë deklarata nga qytetarët. Deklaratat e tyre ekspozuan të vërtetën pas raporteve zyrtare të policisë së UNMIK-ut dhe deklarata të qeverisë lokale, të cilat fillimisht këtu akt dhune e quajtën "incident etnik". Qytetarët theksuan se reagues ndaj dhunës së ushtruar nga policia e UNMIK-ut dhe jo ndaj serbëve. UNMIK-u që nga atëherë ka lëshuar deklarata me të cilat ka dënuar dhunën policore dhe mosaftësinë e tyre për të informuar institucionet lokale mbi këtë vizitë. Përpjekjet tona avokuese arritën deri tek nivelet më të larta të Organizatës së Kombeve të Bashkuara dhe Rrjeti i Grupeve të Grave të Kosovës pranoi reagime nga aktiviste dhe organizatat anëmbanë botës. Si rezultat i angazhimeve lobuese të Rrjetit të Grupeve të Grave të Kosovës dhe Lobit të Grave Kosovare, UNMIK-u lëshoi një kërkimfalje publike, ndërsa edhe deputetët e Kuvendit të Kosovës dënuan dhunën policore.

PROGRAMET E ARDHSHME

Në vitin 2007, ne do të vazhdojmë të fuqizojmë rrjetin tonë, si në Kosovë ashtu edhe në rrafshin ndërkombëtar. Anëtarët e rrjetit do të punojnë edhe më tej për implementimin e Kodit të Etikës dhe Përgjegjësisë të Rrjetit të Grupeve të Grave të Kosovës, dhe do të bëjmë çmos për t'i përkrahë ato, duke ofruar mentorim të individualizuar dhe trajnime grupore, sipas nevojës. Përmes departamentit të marrëdhënies me publikun ne gjithashtu do të vazhdojmë të publikojmë punën e anëtareve tona.

Përveç fuqizimit të rrjetit tonë, ne do të vazhdojmë të bashkëpunojmë me partnerët tanë ndërkombëtar.

Përmes Koalicionit Paqësor të Grave dhe Lobit Rajonal të Grave për Paqe, Siguri dhe Drejtësi në Evropën Juglindore do të vazhdojmë të inkuadrojmë gra nga Kosova, Serbia, Kroacia, Bosnjë e Hercegovina, Maqedonia, Mali i Zi dhe Shqipëria. Së bashku do të avokojmë për implementimin e Rezolutës 1325 përmes hulumtimeve që bazohen në akcione, marrëdhënies aktive publike, dhe takimeve me vendim-marrës.

Në Kosovë, anëtarët tona kanë identifikuar tri prioritetet për vitin 2007: fuqizimin e grave në vendim-marrje politike, luftimin e trafikimit të grave dhe vajzave, dhe shëndetin e grave. Anëtarët e Rrjetit të Grupeve të Grave kanë themeluar grupe punuese për krijimin e strategjive dhe ndërmarrjen e aktiviteteve për t'u marrë me këto çështje.



Fuqizimi i Grave në Politikë dhe Vendim-marrje

Në vitin 2007 në Kosovë çdo gjë do fillojë nga fillimi. Këshilli i Sigurimit i Organizatës së Kombeve të Bashkuara do të përpilojë një rezolutë të re për statusin politik të Kosovës. Do të adoptohet një sistem i ri zgjedhor, do të zgjidhet një qeveri e re. Si rrjet ne do të punojmë për të fuqizuar votuesit në kërkimin e përgjegjshmërisë nga përfaqësuesit e tyre, duke edukuar edhe më tej qytetarët lidhur me fuqinë e votës së tyre.

Si rrjet ne jemi të kënaqur që ligji i ri zgjedhor do të mbajë edhe më tej kuotën e përfaqësimit të grave në qeveri prej tridhjetë përqind. Sidoqoftë, në vitin 2006 qeveria kishte vetëm një ministere. Si rrjet ne dëshirojmë më shumë femra të mbajnë poste vendim-marrëse në qeveri. Për këtë arsye ne do të punojmë për së afërmi me gratë në politikë, duke përkrahur ato në kërkimin e posteve më të larta në qeveritë lokale dhe në atë qendrore dhe duke i inkurajuar ato që të jenë zë i femrave në vendim-marrjen qeveritare.

Grupi punues i Rrjetit të Grupeve të Grave të Kosovës planifikon të përkrahë bashkëpunimin mes grave përfaqësuese të shoqërisë civile dhe grave në politikë; të krijojë bashkëpunim mes partive politike, institucioneve, etj.; të këmbëjë informata me gratë në parlament, qeveri, parti politike dhe struktura tjera; të përkrahë këmbimin e përvojave në nivel rajonal përmes konferencave dhe tryezave të rrumbullakëta; të mbajë takime të rregullta me Agjensionin për Barazi Gjinore në Zyrën e Kryeministrit; dhe të monitorojë proceset politike në Kosovë. Anëtarët e këtij grupi punues janë: Igballe Rogova, Arjeta Rexhaj, Violeta Shehu, dhe Luljeta Vuniqi.

Trafikimi me Gra dhe Vajza

Trafikimi i grave dhe vajzave vazhdon të mbetet një problem serioz për Kosovën. Anëtarët e Rrjetit do të krijojnë një rrjet të organizatave që adresojnë trafikimin e i cili do të fokusohet në parandalimin dhe ofrimin e ndihmës së drejtpërdrejtë për viktimat e trafikimit. Organizatat që punojnë me viktimat e trafikimit do të ofrojnë ndihmë të drejtpërdrejtë, dhe organizatat që specializojnë ngritjen e vetëdijes do të sajojnë fushata me qëllim të parandalimit të kësaj dukurie. Grupi punues i Rrjetit të Grupeve të Grave të Kosovës gjithashtu do të kërkojë nga qeveritë lokale dhe ajo qendrore që të krijojnë procedurë standarde për adresimin e trafikimit. Pjesëtarë të këtij grupi punues janë: Teuta Abrashi, Belgjyzare Muharremi, Shemsije Seferi, Naime Sherifi, dhe Sevdie Bunjaku.

Shëndeti i Grave

Grupi punues i Rrjetit të Grupeve të Grave të Kosovës do të fokusohet në shëndetin e grave me aftësi të kufizuara, grave që kanë qenë të prekura nga lufta dhe grave në moshë. Grupi do të krijojë një rrjet të organizatave me interes të ngjashëm; ofrojë trajnime dhe këshilla lidhur me shëndetin; avokojë për përkrahje institucionale për të gjitha shërbimet shëndetësore; dhe kërkojë nga institucionet lokale që të përkrahin punën e organizatave anëtare. Qëllimet kryesore të grupit punues janë që të organizojë fushata për ngritjen e vetëdijes mbi shëndetin e grave dhe të avokojë për implementimin e mekanizmave ligjor për mbrojtjen e shëndetit të grave. Grupi do të fokusohet në veçanti në luftimin e kancerit të gjirit, që është shndërruar në një bregë madhore shëndetësore për gratë në Kosovë. Grupi punues përbëhet nga Ajshe Nuhiu, Drita Vukshinaj, Feride Rushiti, dhe Zamira Hyseni.



Anëtarët Tona



Ajo

Maria Kurti
044 286 319
ugafrodita@hotmail.com
Ferizaj

Bardha

Raza Sadrija
044 249 700
Prishtinë




Dora Dorës

Vjosa Curri
044 216 616
dora_dores@yahoo.com
Prishtinë



Elena Gjika

Lale Grabanica
044 199 167
grabanica@hotmail.com
Klinë



Fortesa

Saniye Jahiri
044 643 665
saniye200@hotmail.com
Kamenicë



Handikos

Drita Vukshinaj
044 263 636
handikos_pz@hotmail.com
Prizren

Briga

Miroslavka Simonovic
063 7210 616
miroslavkabriga@yahoo.com
Gorazdevac

Dora e Ngrohtë

Drita Rama
044 264 102
drita.dora@gmail.com
Rahovec

Familja dhe Shpresa

Atifete Bytyqi
044 329 196
atifetebytyqi@hotmail.com
Klinë

Gruaja Familjare

Nadire Kryeziu
044 217 223
gruaja_familjare@hotmail.com
Prizren

Handikos

Mehreme Llumnica
044 198 688
mehremellumnica@hotmail.com
Prishtinë

Alma

Shemsije Seferi
044 257 443
shemsijeseferi@hotmail.com
Sverkë, Pejë

Centari Romani Gjuvlenge

Emsale Mergjollari
044 274 671
emsalemergjollari@hotmail.com
Prizren

Drita

Fexhrie Mavriqi
044 350 823
febimav@yahoo.com
Prishtinë

Femra në Veprim

Kadrije Piliqi
044 227 820
kpiliqi@yahoo.com
Kaçanik

Gruaja për Gruan

Shemsije Xhaferi
044 155 286
xhaferi_shemsije@hotmail.com
Rahovec

Hanëmeli

Lirije Gash
044 343 709
liriyegas@hotmail.com
Prishtinë

Antigona

Rabe Rrustemi
044 192 232
r_rrustemi@hotmail.com
Skenderaj

Dera e Hapur

Belxhyzare Muharremi
044 124 423
betimuharremi@hotmail.com
Prishtinë

Dua

Ilijana Kryeziu
044 309 439
ojqduaaa@hotmail.com
Prizren

Flaka

Shehindere Dedushi
044 195 940
delidedushi@hotmail.com
Lipjan

Grupi i Veteranëve të Arsimit

Naxhije Buçinca
044 233 633
naxhi_gva@yahoo.com
Prishtinë

Hareja

Sahadete Dula
044 204 321
shpg.hareja@hotmail.com
Prizren

Asebe

Luljeta Thaçi
044 337 849
asebe_prizrenlule@hotmail.com
Prizren

Diana

Silvana Vokshi
044 769 778
Gjakovë

Edona

Hafize Hajdini
044 657 920
ngoedona@yahoo.com
Ferizaj

Foleja

Gjyzel Shaljani
044 219 612
gjyzelshaljani@gmail.com
Prizren

Hadër

Resmije Krasniqi
044 278 538
haderprizren@hotmail.com
Prizren

Idemo Pravo

Zhivadinka Radosavlevic
064 447 0 967
Plemetin

Anëtarët Tona



Instituti i Psikologjisë

Myrvete Bajrami
044 209 017
mbajrami@gmail.com
Prishtinë

Jeta

Safete Gacaferri
044 253 412
ojqjeta@yahoo.com
Sverkë, Pejë

Jeta Ime

Shqipe Bejtullahu
044 188 336
mylife_center@yahoo.com
Gjakovë

Jeto Jetën

Xhylnaze Bytyqi
044 187 021
jetojeten@hotmail.com
Prizren

Kalabria

Sevdie Bunjaku
044 234 190
kalabria24@hotmail.com
Prishtinë

Kevser

Igballe Berisha - Huduti
044 142 038
kewther_pz@yahoo.com
Prizren

Komiteti i Grave të Verbëra

Bajramshahe Jetullahu
044 185 298
kgvk_b@hotmail.com
Prishtinë

Koraci Buducnosti

Smiljana Veselinovic
038 64 202
Graçanicë

Legjenda

Melihate Osmani
044 194 045
meliosmani@yahoo.com
Viti

Lepsa Buducnost

Radosava Mirkovic
063 748 2974
stivica55@yahoo.com
Priluzje

Liria

Nazife Jonuzi
044 125 729
liriagjilan@hotmail.com
Gjilan

Liria

Luljeta Kuqi
044 186 824
luljeta_kuqi@hotmail.com
Suharekë

Lulebora

Selvete Gashi
044 110 970
ojqlulebora@yahoo.com
Prishtinë

Lulishtja

Sadije Dulahu
044 114 294
sadiesdulahu@hotmail.com
Dabishevc

Luna

Stanica Kovacevic
028 467 335
Fushë Kosovë

Mental Disability Rights International (MDRI)

Dea Pallaska
044 126 255
dpallaska@mdri.org
Prishtinë

Medica Kosova

Veporre Shehu
044 188 316
medicam_kosova@yahoo.com
Gjakovë

Motrat Qiriazi

Marte Prenkpalaj
044 113 258
motratqiriazahas@yahoo.com
Has / Prizren

Nardi

Violeta Shehu
044 450 184
nardi_99@hotmail.com
Prishtinë

Ne Jemi Pjesë e Botës

Atifete Demaj
044 239 814
njpb05@hotmail.com
Fushë Kosovë

Norma

Valbona Salihu
044 126 428
shoqatanorma@yahoo.com
Prishtinë

Oda

Violeta Selimi
044 318 982
ngo.oda@gmail.com
Prishtinë

OGPK

Rudina Gerdec - Llapashtica
044 308 758
aibi@hotmail.com
Prishtinë

One to One Kosova

Merita Halitaj
044 172 644
qkgff_kosova@hotmail.com
Prizren / Pejë

OPER

Nurije Ferati - Haziri
044 257 316
nurije.ngo.oper@hotmail.com
Prishtinë

Promocom

Blerta Nezaj
044 145 554
ngo_promocom@yahoo.com
Gjakovë

Qendra Kosovare për Luftimin e Kancerit të Gjirit Jeta/Vita

Nafije Latifi
044 145 530
jeta.vita@yahoo.com
Prishtinë

Qendra Kosovare për Studime Gjinore

Luljeta Vuniqi
044 116 898
qksgj_kgsc@yahoo.com
Prishtinë

Anëtarët Tona



Qendra Kosovare për Rehabilitimin e të Mbijetuarve të Torturës

Feride Rushiti
044 501 904
krct_org@yahoo.com
Prishtinë

Qendra për Mbrojtjen e Grave dhe Fëmijëve

Naime Sherifi
044 508 081
cpwcpishtina@yahoo.com
Prishtinë

Qendra për Mbrojtjen e Viktimave dhe Parandalimin e Trafikimit me Qenie Njerëzore (MVPT)

Hamijet Dedolli
044 167 395
hamijet_dedolli@yahoo.com
Prishtinë

Qendra për Mirëqenien e Gruas

Lumnije Deçani
044 111 678
pejawwc@yahoo.com
Pejë

Qendra për Trajnime dhe Studime Gjinore

Arjeta Rexhaj
044 124 612
qtsgj@yahoo.com
Prishtinë

Qendra Resurse e OJQ-ve

Esmat Smajli
029 631 357
ngoprizren@yahoo.com
Prizren

Romane Romnja

Shpresa Agushi
044 211 905
agushishpresa@yahoo.com
Gjilan

Ruka + Ruci

Nevenka Rikallo
063 1566 111
rikalonevenka@yahoo.com
Fushë Kosovë

Sara

Dashurie Sahiti
044 373 036
dashurijesahiti@yahoo.com
Dragash

SHE - ERA

Mirlinda Kusari
044 122 696
wsheera@gmail.com
Gjakovë

Shoqata e Amviseve të Kosovës

Gjylfidane Morina
044 501 904
khwa03@hotmail.com
Prishtinë

Shpresa

Sabrije Kukaj
044 170 652
sabrijekukaj@hotmail.com
Drenas

Shtëpia e Sigurtë

Sakibe Doli - Dobruna
044 161 857
linjajuaj@yahoo.com
Gjakovë

Shtjefën Gjeçovi

Shpresa Siqeca
044 350 023
shpresasiqeca808@yahoo.com
Prizren

Sibora

Hyrmete Celina
044 247 240
sibora_pz@yahoo.com
Prizren

Teuta

Nexhmije Bytyqi
044 216 623
nexhmijeb@yahoo.com
Prizren

Violete

Bedrije Shala
044 317 541
ojqviolete@hotmail.com
Barilevë / Prishtinë

Vita - Jeta

Ajshe Nuhiu
044 277 421
shjjpgvitajeta@yahoo.com
Prishtinë



Rrjeti i Grupeve të Grave të Kosovës (RrGGK)
Kosova Women's Network (KWN)

RAPORT I AUDITORIT TË PAVARUR

BORDI I DREJTORËVE
RRJETI I GRUPEVE TË GRAVE TË KOSOVËS (RRGGK)
PRISHTINË

Ne kemi audituar shpenzimet dhe të dhënat financiare suplementare të Rrjetit të Grupeve të Grave të Kosovës, të shprehura në EUR, për periudhën janar-dhjetor 2006. Këto deklarata financiare dhe të dhëna financiare suplementare janë përgjegjësi e menaxhmentit të projektit. Përgjegjësi e jona është të shprehim opinionin tonë lidhur me informatat e lartpërmendura financiare, bazuar në auditimin që kemi kryer.


Ne kemi ndërmarrë auditimin tonë sipas Standardeve Ndërkombëtare të Auditimit (ISA). Këto standarde kërkojnë që të planifikojmë dhe kryejmë auditimin në mënyrë që të sigurohemi se në formularët raportues nuk ka deklarata me gabime materiale. Auditimi përfshin ekzaminimin, bazuar në teste, të dëshmimeve që përkrahin shumat e raportuara në formularët raportues. Auditimi gjithashtu përfshin vlerësimin e parimeve të kontabilitetit që janë shfrytëzuar dhe parashikimet e bëra nga menaxhmenti, si dhe vlerësimin e llogaritjes dhe raportimit të saktë të të dhënave në deklaratat financiare. Në besojmë se auditimi i kryer mund të na sigurojë bazë të arsyeshme për opinionin që kemi arritur.

Është opinion i yni që informatat financiare paraqesin në mënyrë të drejtë, në të gjitha aspektet materiale, shpenzimet e Rrjetit të Grupeve të Grave të Kosovës deri më datën 31 dhjetor, dhe rezultatet janë të shprehura në pajtueshmëri me Standardet Ndërkombëtare të Kontabilitetit dhe Standardet Kosovare të Kontabilitetit.

XHEMAIL SYLA

Auditor i Licencuar
Licensë Auditor
Prishtinë,

18 Mars 07



DONATORI	UNIFEM	SDC	KTK	RBF	TOTALI
Të hyrat (Donacionet)	37,981.00	12,000.00	32,512.00	23,381.79	105,874.79
Donacion Vendor					200.00
Totali i të hyrave					106,074.79
Emërtimi i Shpenzimeve					
Pagat	4,700.00	7,000.00	15,400.00	5,600.00	32,700.00
Kontributet Pensionale			1,446.00	257.65	1,703.65
Material për zyre	128.30	645.25	1,435.11	637.85	2,846.51
Provizionet bankare			20.00		20.00
Paisje			576.00		576.00
Shpenzimet e benzinës	163.28	196.00	1,453.55	1,380.94	3,193.77
Shpenzimet e energjisë elektrike		1.50	173.30		174.80
Shpenzimet e telefonit celular	120.00	105.00	945.00	220.00	1,390.00
Shpenzimet e telefonit fiks	315.86	394.33	1,184.66	37.21	1,932.06
Shpenzimet e internetit			1,259.30		1,259.30
Shpenzimet e qiras për zyre			3,132.60	1,400.00	4,532.60
Mirëmbajtja e automjetit	460.00	515.00	819.95	140.00	1,934.95
Mirëmbajtja e Ueb-faqes		300.00	200.00	200.00	700.00
Auditimi	1,000.00	500.00			1,500.00
Shpenzimet për performansën artistike	300.00		1,364.00	1,085.00	2,749.00
Aktivitetet e programit të RrGGK, udhëtimet	21,716.66	288.00	189.80	3,718.75	25,913.21
Mbledhja Vjetore			924.00		924.00
Përkthimet	2,771.00	100.00	463.00	865.00	4,199.00
Shpenzimet përcjellëse të aktivitetit	527.00				527.00
Shpenzimet e Higjienës në zyre				1,090.50	1,090.50
Aktivitetet e 8 Marsit	1,580.00				1,580.00
Kompjuter (Donacion)	1,019.00		205.23		1,224.23
Shpenzimet e konsultimeve dhe editimeve				2,586.00	2,586.00
Qiraja për mbledhjet dy mujore		230.00	230.00		460.00
Publikimi i raportit vjetor				2,070.00	2,070.00
Publikimi i buletinit tre mujor				1,304.00	1,304.00
Manifestim nderi për anëtarin e RrGGK	3,180.00			1,152.30	4,332.30
Programi i kontabilitetit për OJQ		1,725.00			1,725.00
TOTALI	37,981.10	12,000.08	32,512.00	22,654.70	105,147.88

STAFI YNË

Igballe Rogova
Drejtoreshë Ekzekutive

Nexhmije Fetahu
Menaxhere e Programit

Besa Shehu
Menaxhere e Financave

Alba Loxha
Asistente për Marrëdhëniet me Publikun

Remzije Asllani
Koordinatorë e Projektit

Barbra Bearden
Praktikante nga Advocacy Project (Qershor-Gusht)



Naxhije Buçinca - Kryetare e Bordit
Drejtoreshë, Grupi i Veteranëve të Arsimit

Delina Fico
Administrata Publike - Shqipëri

Marte Prenkpalaj
Drejtoreshë, Motrat Qirazi

Besim M. Kajtazi
Ministria për Shërbime Publike

Vjosa Dobruna
Kryetare e Bordit, Radio Televizioni i Kosovës

Belgjzare Muharremi
Drejtoreshë, Dera e Hapur

Behar Selimi
Shërbimi Policor i Kosovës

BORDI YNË

Shkruar dhe dizajnuar nga
ALBA LOXHA dhe NICOLE FARNSWORTH

Fotografitë:
© Alba Loxha: fq. 9-10
© Nicole Farnsworth: ballina, fq. 1, 5, 7-8, 11-30
© Angelika Arutyunova: fq. 6, 30 (skaji i djathtë)
© Barbra Bearden: 33

Financuar nga Rockefeller Brothers Fund